

Nanzningz Si Liengzging Gih Hai Hoih Lenzsiz Hong Cunghgyau

12 nyied 18 hauh, Nanzningz Liengzging Gih hai hoih lenzsiz hong cunghgyau. Aen hoih haeujlaeg hagsib gvancez gij lwnhgangj youqgaenj gvendaengz hong cunghgyau Siz Ginbingz cungsiuhgi caeuq gij iugouz youqgaenj gvendaengz lwnhgangj hong Gvangjsih, cungjgez hong gvaqbae, faensik hingzsei, baijbouh 2025 nienz yinvu.

Aen hoih cungjgez le gij hong cunghgyau 2024 nienz. Bi gvaqbae neix, gak aen cin (diuzgai)、gak cwngzzenz danhvei hopndaet haeuj laeg doicaenh cunghgyau guek raeuz miz daegsaek Cungguk, netsaed guh ndei gij hong senhconz gyauyuz

cunghgyau cwngcwz fapldw fapgi、gij hong cazcawq cunghgyau hozdung famhfap、fuengzre cunghgyau rog guek iemqhaeuj, hawj cunghgyau hozswnh, aenbiengz huzndei.

Aen hoih baijbouh gij hong youqgaenj 2025 nienz. It dwg gak gaep gak bumwnz aeu daezsang cwngei canvei, cungfaen roxnyinh gij eiqsei youqgaenj guh ndei hong cunghgyau. Cietsaed dungyiz swhsiengj caeuq hengzdoengh daengz gij baijbouh iugouz hong cunghgyau Swcigih、Nanzningz Si caeuq ndaw singz bae. Ngeih dwg gyagiengz bumwnz doxgap. Yiemzgek lozsiz hong

gihci “faengaep fucwz, diegguenj guenjieix”, lozsiz cwzyinci ndaw singz、yanghcin (diuzgai)、mbanj (segi) sam gaep vangjloz hong cunghgyau caeuq yanghcin (diuzgai)、mbanj (segi) song gaep hong cunghgyau, doengzcaez henhoh cunghgyau lingyiz huzndei onjdingh. Sam dwg ndaw singz gak gaep gak bumwnz aeu mboujduenh giengzvaq hagsib. Gyagiengz hagsib cunghgyau cwngcwz fapldw fapgi, ciuqfap ciuqgi bae gyagiengz cawqleix cunghgyau swvu, mboujduenh daezswng hong cunghgyau fazciva suijbingz.

(潘大兴/Banh Dahingh)



▲Canghheiq daenj buh minzczuz caemh daiz eu fwen.

Denzyangz:

Ciengqgo Coi Hawj Minzczuz Doxgiet Diuqfoux Coi Hawj Sevei Huzndei

12 nyied 20 hauh, Bwzswz Si Denzyangz Gih youq Denzcouh Singzgeq Baeuqroxdoh Gvangicangz guh “ciengqgo coi hawj minzczuz doxgiet diuqfoux coi hawj sevi huzndei” vwnzyi vanjvei. Ngeihcib lai aen cezmu yienjheiq ndei yawj raixcaix, hawj bouxyawj daj ndawde roxnyinh gij yinxdaeuz go foux caeuq vwnzva miz minzczuz daegsaek.

(黄国顺/Vangz Gozsun)

Vanzgyangh: Conhgyah Daengz Yananz Yangh Yawjbingh Mbouj Sou Ngaenz

12 nyied 19 hauh, Sinhein Si Baujanh Gih roek boux conhgyah daengz Vanzgyangh Mauznanzcuz Swciyen Yananz Yangh guh gij hozdung yawjbingh mbouj sou ngaenz. Vih dangdieg ginzcung yawjbingh dawzmaeg, son vunz gwn yw caeuq yw bingh, lij bang ginzcung genjcwz hezdangz、hezyaz caeuq ngaihciit yw bingh daengj. Baez hozdung neix gyoebesuenq ciepdaih ginzcung 120 lai vunz, soengq ndangcangq caeuq gvansim daengz bakdou gyoengq vunz Mauznanzcuz.

(覃敬淇/Cinz Ginggiz)



▲Canghyw bang ginzcung yawjbingh.



▲Bouxguhnaz youq ndaw diegbyaek mbaet byaek.

Mungzsanh: Byaekheu Gai Bae Diegrog Gung Hawj Hawciengz

12 nyied 21 hauh, youq Mungzsanh Yen Sinhhih Cin Mbanjsinhhih Aen Dieggiek Ndaem Byaekheu Gung Yez Gangj Au Davanhgih, bouxguhnaz mbaet byaek nyaengqdigdig. Dangdieg 120 lai moux byaekheu baenz sou, gij byaek neix mbaet liux couh soengq daengz Yez Gangj Au Davanhgih bae gai, demgya souhaeuj bouxguhnaz le hix muenxcuk hawciengz aeuyungh.

(江永录/Gyangh Yungiluz)